

# БӨТҮНМҮТ ТҮӨЛБЭТЭ

Нам улууһун "Бөтүн нэһилиэгэ" муниципальной тэриллии хаһыата

2014 с. Ахсынньы 17 күнэ,

16№(82)

## Нэһилиэк сонуннара

Ахсынньы 5 күнүгэр үгэскэ кубулуйбут "Нэһилиэк күнэ" буолан ааста. Бу күн 2014 сыллаабы үлэлэр түмүктэрэ таһаарылынна. Нэһилиэкпит бастын общественниктарын, үлэһиттэрин чиэстээһин ытылынна, номинациялар туттарылыннылар. Ол курдук "Бастын дьэ кэргэн" — Светлана, Юрий Эверстовтар, "Бастын спортсмен" — Степан Данилов, "Бастын ыччат" — Мария Сивцева, "Бастын бааһынай хаһаайыстыба" — "Дайына" б/х (сал. Попова Н.И.), "Бастын общественник" — Михаил Софронов, "Оскуола бастын үлэһитэ" — Матрена Дмитриевна Новгородова, "Оҕо саадын

бастын үлэһитэ" — Алена Егоровна Замятина, "ЖКХ бастын үлэһитэ" — Иван Христофоров номинациялар хаһаайыттарынан буоллулар. Бу тэрээһингэ кыттыны ыллылар улуус баһылыга А.П.Атласов, А.В.Лукин, Суздалов С.С., Алексеев В.К., Федоров А.С., Охлопков Л.Н. уонна бэйэлэрин иһирэх эбэрдэлэрин тириэртилэр, сэмэй бэлэхтэрин туттардылар. Дьоро күн уус — уран самодеятельность кыттыылаахтарын, Хатырык нэһилиэгин "Арылы" ансамбль эбэрдэ кэнсиэртэринэн түмүктэннэ.

\*\*\*

Ахсынньы 11 күнүгэр нэһилиэк депутаттарын уочараттаах сессиялара буолла. Бу күн депутаттар иннилэригэр "Айылгы" СК, олохтоох библиотека, дьаһалта специалистара, нэһилиэк баһылыга

М.В.Макаров 2014 сыллаабы үлэлэрин отчуоттаатылар.

\*\*\*

Ахсынньы 12 күнүгэр РФ Конституциятын күнүнэн нэһилиэк баһылыга М.В.Макаров олохтохтору приемнаата уонна араас хайысхалаах туруорсуу боппуруостарыгар эппиэт биэрдэ. Бу маньык Аһаҕас аан хас сүл ахсын тэриллэр, нэһилиэкпит олохтохтору бу күн кэлэн бэйэлэрин долгутар боппуруостарын биэриэхтэрин, санааларын этиэхтэрин сөп.

\*\*\*

Спорт сонуннара.

Ахсынньы 13 күнүгэр Нам улууһун комплекснай спартакиадатын, гиряҕа күрэхтэһитэ буолан ааста. Биһиги нэһилиэкпит бэйэтин группатыгар 2 миэстэни ылла.

\*\*\*

## Культура сонуннара

II улуустаабы "Дьылҕам анала" кэргэнни дьоннор дуэтынан куонкурустара, биһиги Бөтүнмүт нэһилиэгэр, сэтинньи 30 күнүгэр ситиһилээхтик буолан ааста. Уопсайа 5 нэһилиэктэн кыттыны ыллылар: Нам селотуттан — Заровняевтар, Хамаҕаттаттан — Заболоцкайдар, Үөдэйтэн — Неустроевтар, Фрунзеттан — Бурнашевтар уонна Граф биэрэгиттэн — Охлопковтар. Дьоллоох Дьокуускай куораттан эстрадабыт чабылхай сулустара Санита-Ай, Эрхан уонна кинилэр оҕолоро Андрюша Николаев буоланнар жюрилаатылар. Куонкурус түмүгүнэн I миэстэни Граф биэрэгиттэн Анна, Петр Охлопковтар ылан ЖК телевизорунан наһараадаланнылар. Куонкурус кэннэ Санита — Ай, Эрхан уонна Андрюша Николаевтар кэнсиэрдэрин көрөммүт дуоһуя сынньаннабыт.

Ахсынньы 4 күнүгэр, республиканскай модельнай библиотекалар семинардарын кыттыылаахтара, биһиги нэһилиэкпит олохтоох модельнай библиотекатын үлэтин — хамнаһын кытта билсэн бардылар. Олохтоох библиотека сэбиэдиссэйэ Валентина Колесова, кэлбит ыалдьыттарга, библиотека туһунан информация уонна „Нэһилиэгим кэрэ — бэлиэ сирдэрэ“, виртуальной экскурсия оҥордо.

## Оскуола сонуннара

Россиятаабы предметнай олимпиадалар улуснай этаптара буолан аастылар. 9 кылаас үөрэнээччитэ Афанасьев Егор технология предметыгар (учуутал Иванов С.С.) 1 миэстэ буолла, 8 кылаас үөрэнээччитэ Нелунова Саргылана обществознание предметыгар (учуутал Софронов Е.М.) 1 миэстэ, 10 кылаас үөрэнээччитэ Макаров Гриша история предметыгар (учуутал Софронов Е.М.) 1 миэстэ, 7 кылаас үөрэнээччитэ Марков Алеша нуучча тылын предметыгар (учуутал Байшева Н.Н.) 2 миэстэ, 8 кылаас үөрэнээччитэ Эверстова Вика (учуутал Байшева Н.Н.) 3 миэстэни, 11 кылаас үөрэнээччитэ Корякина Анжела психология предметыгар (салайааччы Румянцева Н.М.) 2 миэстэни, 9 кылаас үөрэнээччитэ Никифорова Люда (учуутал Лукина Л.Н.) 3 миэстэни, 9 кылаас үөрэнээччитэ Афанасьев Егор география предметыгар (учуутал Павлов В.С.) 3 миэстэни, 8 кылаас үөрэнээччитэ Иванова Аина физика предметыгар (учуутал Сакварс У.Л.) 3 миэстэни ыллылар.

"Инникигэ харды" научно-практической конференция региональной этабыгар оскуолабыт оҕолоро этэннэ кыттан кэллилэр. 11 кылаас үөрэнээччилэрэ Никифоров Владислав уонна Корякина Анжела (салайааччы Стручков Ф.С.) 1 миэстэни ыланнар республиканскай этапка аастылар.

Ахсынньы 2 күнүгэр, биллиилээх поэт, биир дойдулаахпыт Илья Дорофеевич Винокуров, 100 сааһыгар аналлаах, поэт айымньыларынан инсценировка күрүбэ оскуолаҕа буолан ааста. Кылаастар бары олус бэлэмнэнэн, бииртэн биир үчүгэй туруорууну көрдөрдүлэр. Ол куодук, кыра кылаастарга 1м -3 кылаас "Сылгы уонна ынах", 2 м — 2 кылаас "Чоппуускалар", 3 м — 1 кылаас "Кутуйахчаан туһунан остуоруйа" уонна 4 кылаас "Дьээ умайыта" инсценировка калара ыллылар.

Орто сүһүөх кылаастарга 1м -7 кылаас "Саллаат ийэтэ", 2м -5 кылаас "Кутуйахчаан туһунан остуоруйа", 3м — 6 кылаас "Хайыһар ырыата" туруоруулары ыллылар.

Улахан кылаастарга 1м — 10 кылаас "Хайыһар", 2м — 8 кылаас "Дьүһүйүү" инсценировка калара буоллулар. Маны тэнэ "Бастын оруолу толорооччу" — Колодезникова Наташа, "Бастын оруолу толорооччу төрөппүт" Светлана Робертовна Лукина, "Бастын туруорааччы" — Полина Петровна Дьяконова буоллулар. Кыайыылаахтар бары Грамотанан уонна бириһинэн наҕараадаланнылар. Түгэнинэн туһунан, тэрийээччилэр ааттарыттан, бу күрэххэ бириис туруоран спонсордаабыт тэрилтэлэргэ, түмсүүлэргэ барҕа махталбытын тиэрдэбит.

## Уһуйаан сонуннара

Сэтинньи 18 күнүгэр бэлэмнэнии бөлөх оҕолорун икки ардыларыгар „Дьикти хонуу,, интеллектуальной оонньуу ытылынна. Бу оонньууга кыайыылаабынан Владик Явловская буолла. Улахан бөлөх оҕолоругар „Саха сирин эмтээх үүнээйилэрэ,, диэн темаҕа доклад аабытыгар күрэх ытылынна. Дьүүлүүр сүбэ быһаарытынан Артем Колодезников кыайыылаабынан ааттанна.

Сэтинньи 27 күнүгэр „Улуу Кайыы 70 сылыгар,, аналлаах доклад аабытын күрүбэр Динара Протопопова кыайыылаабынан тахсан, ахсынньы 10 күнүгэр Хатырыкка „М.К.Аммосов аатынан государственнай музейга,, ытыллар региональной „Аммосовская аабыларга,, кыттар быраабы ылла.

Сэтинньи 30 күнүгэр, Дьокуускай куоракка ытыллыбыт „Бриллиантовые нотки,, международной конкурса „Вокал,, номинацияҕа Динара Протопопова, Нелли Уваровская 2-с степеннаах дипломант аатын ыллылар. Салайааччы Замятина А.Е. Бу күрэх чэрчитинэн „Зима начинается с Якутии,, уруһуй конкурсугар Денис Лугинов, Милена Бандерова, Вика Сивцева, Динара Протопопова үлэлэрэ кыттаннар, сертификатынан бэлиэтэннилэр.

Сэтинньи 26 күнүгэр „Байанай,, нэдиэлэтин түмүктүүр тэрээһиннэ уолаттарга уонна аҕаларга күрэх ытылынна. Кадровай булчут Софронов М.И. ыалдьыттаан, анал бириис туруоран тэрээһин бэрт сэргэхтик барда. Уолаттар хамаандаҕа арахсан күрэхтэстилэр, бэлэх тутан үөрдүлэр — көттүлэр. Аҕаларга автомат сааны ыһыыга, хомуйууга Протопоннов А.А. тэннээбин булбата. Аҕалар тэрээһиннэ кэлэн олус көхтөөхтүк кытыннылар.

Оҕо тэрилтэтин үлэтигэр ФГОС ирдэбилэ күүскэ туран иитээччилэр таһымнарын, билиилэрин-көрүүлэрин сайыннараллар. Ол чэрчитинэн ахсынньы 2 күнүгэр, Аппааныга „Сандаара,, оҕо сайдар кинигэр иитээччи Исмакова М.И. оонньуу-дьарык көрдөрөн үлэтин опытын тарҕатта.

Ахсынньы 5 күнүгэр оскуоланы кытта ситимнээх улэ былаанынан иитээччилэр 1 кылаастарга аһаҕас уруокка сырыттылар, оҕолор билиилэрин-көрүүлэрин көрөн салгы үлэни торумнуулар.

Бу курдук детсад олоҕо күннэтэ күөстүү оргуйа олорор. Сана дьылы көрсөр утренникка бөлөхтөрүнэн бэлэмнэнии үлэлэр ытылла тураллар.

## Уб. Анна Ивановна!

Эйиигин 60 сааскын туолбут үбүлүөйгүнэн истинник-иһирэхтик эбэрдэлиибит!

Баҕарабыт эйиэхэ саха алмаһыныны кытаанах доруобуйаны, тус олоххор элбэх чабылхай түгэни, тус олоххор дьолу-соргуну!

Олоххор мэлдьи үөрүү энэрдэстин, үтүө санаа үтүмэнин эйиэхэ аныбыт!

"Киэргэн сырдыгынан сыдыаай, Саҕа дьыл — 2015!"

Хаар, муус оноһуктар куонкурустарын балаһыанньата:

Оноһулар сирэ: "Айылгы" СК таһыгар. Сыаналанар: уота - күөһэ, ис хогоонугар сөп түбэһитэ, идеята, фантазията хаачыстыбата. Ирдэбиллэрэ: Түөлбэттэн биирдиилээн дьон кытара ирдэнэр. Наҕараадалааһын: Ахсынньы ый 31 күнүгэр тахсар. Кыайыылаахтары сыаналаах бириистэр күүтэллэр, номинациялар олохтонолор.

Ахсынньы 20 күнүгэр бильярдка (коммерческой) Дед Мороз бириһингэр күрэхтэһии ытыллар. Ахсынньы 21 күнүгэр Дартска Дед Мороз бириһингэр күрэхтэһии ытыллар. (Оскуолалар кыттыбаттар) Ахсынньы 24 күнүгэр түөлбэлэринэн дуобакка. (хамаандаҕа 1 дьахтар, 1 эр киһи), настольнай теннискэ (хамаандаҕа 2 дьахтар) ытыллаллар. Барыгытын көхтөөхтүк кыттаргытыгар ынырабыт!

Күндү нэһилиэк олохтоохторо, эһигини саргылаах сана дьыл кэлэн иһэринэн эбэрдэлээн туран, олохтоох библиотека кэлэр сыл бэлиэтэ — Коза оноһукка күрэх биллэрэр. Оноһук ханнык баҕарар матырыяалтан буолара көнүл. Күрэххэ ким баҕалаах барыта кыттар.

Күрэх түмүгүнэн кыттааччылары барыларын сертификат, кыайыылаабы бириис күүтэр. Оноһуктаргытын бу ый 25 гэр диэри олохтоох библиотекаҕа тиксэрэбит. Билсэр тел: 23 — 6 - 01